

ISMET SARAJLIĆ

Ja nisam htio, htio sam se držati dogovora, ali evo brzo dođoh na red, pa ću onda kratko, a eto imam dugo vremena već potrebu. Moja inicijativa se ustvari odnosi prema predsjedavajućem Skupštine Zeničko-dobojskog kantona, a to je da se u okviru, znači, Vlade Zeničko-dobojskog kantona formira novo ministarstvo koje bi bilo Ministarstvo za dijasporu. A u obrazloženju za njim ću navest sljedeće: Mi smo svjesni evo imali smo danas i određene tačke dnevnog reda da je naša privreda u jako lošoj situaciji, da je jedina stvar koja nas može izvući iz ove situacije su eventualna ulaganja, stvaranje novih vrijednosti, punjenje budžeta itd., a u tom smislu imamo jedan prilično loš pristup prema našoj dijaspori koja je jedina u ovom trenutku, puna su nam usta investicija ustvari realno spremna da ulaže u Bosnu i Hercegovinu, da je usvojila nova znanja gore, da imaju određen novac i da im je ovdje potrebna pomoć oko ideja a prije svega je potrebna pomoć da se ti ljudi uvežu. Znači, to ministarstvo ne bi sadržavalo puno ljudi. Primarna zadaća bi mu bila znači da te ljude evidentira, da evidentira njihova zanimanja, da vidi da li su spremni da ulažu u naš kanton, a dalje smo već u kantonu napravili određenu strukturu bivšeg kroz Biznis servis centar, kroz raznorazne agencije koje bi mogle onda biti, ovaj, na dispoziciji tim ljudima. Slične inicijative ako smo, a nadam se da pratimo svi politički život, slične se inicijative pojavljuju i na federalnom i na državnom nivou, ali razlog zašto sam ja ovo potencirao za naš kanton je sljedeće. Ja sam kroz praksu koju sam do sad radio imao u više navrata mogućnost da vodim na studijska putovanja naše načelnike i gradonačelnike, premijere itd. i navest ću vam primjere iz puno razvijenijih zemalja nego što je Bosna i Hercegovina da su i tamo veliki ... velika hajmo reći animozitet između određenih nivoa vlasti tako da evo navest ću vam samo primjer iz Češke Republike je da u Češkoj Republici određeni gradovi posebno plaćaju i unajmljuju određene ljude na svojim platnim (ne razumije se) samo da im lobiraju za strane investitore da ulažu u njihove gradove. Mislim da nismo svjesni koliki potencijal imamo u ovome. Ne bi puno koštalo ministarstvo. Imamo već dalje sistem rada koji je uvezan koji bi bilo na dispoziciji tog ministarstva s obzirom da imamo i situaciju, puna su nam usta bijele kuge, da nam mladi odlaze itd. Mislim da je ovo zrela inicijativa, da ne bi puno koštala, a da bi njeni efekti bili dalekosežni i jako dobri po privredu i po razvoj ovog kantona. Hvala.